

## Juã ojam<sub>u</sub>'tāca pūrī ni'i

*A'ti pūrī a'tiro weero ojano'pā nise ni'i*

Ā'rī judío masū Zebedeo macū Santiago acabiji nicū niwī.

A'tere ojacū niwī. Jesucristore ējōpeorārē nisoose me'rā bu'erārē tu'omasīdutigu ojacū niwī. Tojo nicā Jesucristore ējōpeonu'cūdutigu, queoro weenu'cūdutigu ojacū niwī. Ma'ise pe'ere apeye yu'rūoro weenu'cūdutigu ojacū niwī.

Cūta ape pūrī Jesucristo catiri ūmūco cjasere ojacū niwī.

*Jesucristo ye queti ni'i*

<sup>1-2</sup> Yu'ū masārē Jesucristo ye cjasere, cū nisetisere ojacū wee'e. A'tiro ni'i. A'ti turi weese dūporo cū, cū pacū me'rā nitojacū niwī. Be'ro a'ti turipure bajuacu niwī. Cū catinu'cūgū marīrē catinu'cūcā weegū nimi. Ūsā cūrē ī'awū. Cū ucūsere tu'owū. Ūsā basu warota cūrē ī'abutiawū. Cūrē añurō masīwū. Tojo weerā cūrē ī'a'quere mūsārē were'e. <sup>3</sup> Ūsā marī pacū Ō'acū me'rā, tojo nicā cū macū Jesucristo me'rā añurō nicā'a. Mūsā quē'rārē tojota ūsāsa'a. Tojo weerā ūsā ī'a'quere, tu'o'quere mūsārē were'e. <sup>4</sup> Mūsārē añurō e'catiato nīgū a'ti pūrīrē oja'a.

*Ō'acū añugū nimi nise queti ni'i*

<sup>5</sup> Jesucristo ūsārē bu'e'quere mūsārē wereturia'a. Cū a'tiro niwī: “Ō'acū añugū nimi. Cūpure ne ña'ase marī'i. Cū sī'ose weronojō nimi. Na'itī'ase weronojō nitimi”, niwī. <sup>6</sup> Marī a'tiro nibosa'a: “Ō'acū me'rā añurō nicā'a”, nibosa'a. Tojo nimirā ña'arō wéerā, nisoorā weesa'a. Marī weesetise, marī ye ucūse ūseri me'rā tojo weesa'a. <sup>7</sup> Ō'acū

añurõ weemi. Marĩ Õ'acũ weronojõ añurõ wéerã pũrĩcã, ãpẽrã me'rã añurõ nisetimasĩ'i. Cũ macũ Jesucristo wẽrĩse me'rã nipe'tise marĩ ña'arõ nisetisere ðacyunu'cũmi.

<sup>8</sup> Marĩ ña'ase cuomirã ña'ase moo'lo nĩrã, marĩ basuta nisoorã wee'e. Marĩ wãcũse diacjũ niwe'e. <sup>9</sup> Õ'acũ queoro weenu'cũgũ marĩ ña'arõ wee'quere diacjũ wereyu'rucã, queorota marĩrẽ acobojogũsami. Nipe'tise marĩ ña'arõ weeseti'quere coepe'locũsami. <sup>10</sup> Õ'acũ a'tiro nicũ niwĩ: "Masã nipe'tirã ña'arã nima", nicũ niwĩ. "Marĩ ña'arõ weewe'e" nĩrã, "Õ'acũ nisoosepijagũ nimi", nĩrã weebosa'a. Cũ ucũsere ãjõpeotirã weronojõ nibosa'a.

## 2

*Õ'acũ me'rã nĩrã a'tiro weeya nise ni'i*

<sup>1</sup> Musã yu'u põ'rã weronojõ ni'i. Ña'ase weeticã'to nĩgũ, musãrẽ a'tere oja'a. Marĩ ña'arõ weecãma, Jesucristo cã pacupure marĩrẽ ucũbosasami. "Narẽ acobojoya", nisami. Jesucristo ña'ase moogũ nimi. Tojo weegũ cã marĩrẽ sãrĩbosamasĩsami. <sup>2</sup> Jesucristo wẽrĩse me'rã marĩ ña'arõ wee'quere acobojose bocacãrã niwũ. Marĩ dia'cũ acobojose bocamasĩtisa'a. Nipe'tirã a'ti turicjãrã acobojose bocamasĩsama.

<sup>3</sup> Marĩ masĩ'i, Õ'acũ dutisere wéerã, cũrẽ ĩ'awã'no'sa'a. <sup>4</sup> Marĩ a'tiro nibosa'a: "Õ'acũrẽ masĩ'i." Tojo nimirã cã dutisere weetirã, nisoosepijarã nibosa'a. <sup>5</sup> Cũ dutiro wéerã, Õ'acũrẽ queorota ãjõpeosa'a. Tojo weerã marĩ Õ'acũ me'rã ni'i nisere masĩ'i. <sup>6</sup> "Marĩ Õ'acũ me'rã ni'i" nĩrã, Jesucristo weeseti'caronojõta weesiruturoña'a.

*A'merĩ ma'ĩña nise queti ni'i*

<sup>7</sup> Acawererã, yu'u musãrẽ ojase apeye ma'ma dutise mejẽta ni'i. Todũporopũ musã dutise cuo'quereta oja'a. A'te musã tu'o'quepũ ni'i. <sup>8</sup> Tojo nimirõ, yu'u musãrẽ

ojase ma'ma dutise weronojō wa'a'a. A'merĩ ma'isere wãmepeogu wee'e. Toduporopu marĩ a'merĩ ma'itirã, ña'arã niwũ. Na'itĩ'arõpu nirá weronojō niwũ. Ni'cãrõacãrẽ a'te du'uno'rõ wee'e. A'tocaterore marĩ a'merĩ ma'írã, bo'reyuropu nirá weronojō ni'i. Te a'merĩ ma'isere Jesucristo me'rã masĩno'o. Tojo nicã musã me'rã masĩno'o.

<sup>9</sup> Marĩ a'tiro nibosa'a: “Yũ'u pũrĩcã añurõ Õ'acũ dutiro weenu'cũcã'a.” Tojo nimigũ ãpẽrãrẽ ma'itigu, toduporopu na'itĩ'arõpu ní'caro weronojõta nicã'sa'a tja. <sup>10</sup> ãpẽrãrẽ ma'ígũ, bo'reyuropu nigũ weronojō nimi. Ne cãrẽ cã'rõacã ña'arõ weese marĩ'i. <sup>11</sup> Marĩ ãpẽrãrẽ ma'itirã, na'itĩ'arõpu nirá weronojō nisetisa'a. Marĩ ña'arõ weese bu'iri caperi bajuno'tirã weronojō nisa'a. Tojo weerã “A'tiro pe'le ua'a”, nímasĩtisa'a.

<sup>12-14</sup> Yũ'u musã nipe'tirãrẽ ojaguti. Jesucristo cũ wẽrĩse wapa Õ'acũ musã ña'arõ wee'quere acobojocu niwĩ. Musã Õ'acũrẽ masĩ'i. Bucurã, musãrẽ oja'a. Jesucristore ne waropu du'pocãtĩ'cure ëjõpeoyucã, oja'a. Ma'mapjia, musã wãcütutuarã ni'i. Õ'acũ ye ucüsere tu'o ëjõpeo'o. Wãtĩrẽ docaque'acã weecãrã niwũ. Tojo weegu musãrẽ oja'a.

<sup>15-16</sup> A'ti umuco cjase Õ'acũ ye mejõta ni'i. A'tere wãcũnurũticã'ña. Ña'arõ wãcũse, a'metãrãsi'rĩse, uaripejase, ãpẽrã yu'rũoro nicã'gũ nisi'rĩse ña'a ni'i. A'te nipe'tise a'ti umuco cjase ni'i. “Tere weerãti”, niticã'ña. No'o a'tere weesi'rĩgũnojo marĩ pacu Õ'acũrẽ ma'itisami. <sup>17</sup> A'ti turi pe'tiwã'cãrõ wee'e. Nipe'tise ña'arõ weesi'rĩ uaripejase quẽ'rã pe'tia wa'arosa'a. Õ'acũ dutiro weerã pũrĩcã ne pe'titirãsama. Cũ tiropu ninu'cũcã'rãsama.

*Nisoorã ye queti ni'i*

<sup>18</sup> Nisoori masã ye quetire wereguti. A'ti umũco pe'tiro wee'e. A'ti turi pe'tise duporo ni'cũ Jesucristore i'atu'tigu a'tigusami. Musã a'tere tu'otojacãrã niwũ. Pãjãrã cũ weronojõ nirã nitojama. Tojo weerã marĩ a'ti turi maata pe'tiatjere masĩ'i. <sup>19</sup> Na cũrẽ i'atu'tirã marĩ me'rãcjãrãta nicã'miwã. Be'ro, na Jesucristo ye quetire ëjõpeotirã, marĩrẽ ducawatia wa'awã. Na marĩ me'rãcjãrã waro mejëta ni'cãrã niwã. Marĩ me'rãcjãrã nĩrã pũricã, marĩ me'rãta nibosama. Na tojo ducawaticã i'arã, marĩ narẽ i'amasĩ'i. Marĩ me'rãcjãrã mejëta nicãrã niwã.

<sup>20</sup> Jesucristo musãrẽ Espĩritu Santure o'ócũ niwĩ. Tojo weerã musã diacjũ cjase, Jesucristo ye quetire masĩpe'ticã'sa'a. <sup>21</sup> Cũ ye quetire masĩtirãrẽ ojagũ weewe'e. Musã Jesucristo yere queoro masĩsa'a. Tojo weegũ musãrẽ oja'a. Musã masĩ'i, cũ ye queti nisoose mejëta ni'i.

<sup>22</sup> Nisoosepijagũ a'tiro nisami: “Jesú Ô'acũ bese'cũ mejëta nimi”, nisami. Tojo busũgũ cũrẽ i'atu'tiri masũ nimi. Marĩ pacũ Ô'acũrẽ, cũ macũ Jesucristore teesami. <sup>23</sup> No'o cũ macũ Jesucristore uatirã, cũ pacũ quẽ'rãrẽ moosama. Marĩ Jesucristore Ô'acũ bese'cũ nimi nĩrã, Ô'acũ põ'rã ni'i. <sup>24</sup> Tojo weerã musã ne waro tu'o'que Jesucristo ye quetire wãcũnrũña. Musã cũ ye quetire ëjõpeonu'cũrã, Ô'acũ me'rã, cũ macũ Jesucristo me'rã añurõ nicã'rãsa'a. <sup>25</sup> Jesucristo marĩrẽ a'tiro nicũ niwĩ: “Catinu'cũatjere o'oguti”, nicũ niwĩ.

<sup>26</sup> Musãrẽ nisoori masã ye quetire ojatojapũ. <sup>27</sup> Musã Espĩritu Santu Jesucristo o'ócũre cũotoja'a. Cũ basu nipe'tisere nisooro marĩrõ musãrẽ bu'emĩ. “Ësãrẽ ãpërã bu'eato”, nitisa'a. Cũ bu'eronojõta Jesucristo me'rã añurõ nicã'ña.

<sup>28</sup> Ni'cãrõacã quẽ'rãrẽ cũ me'rã ninu'cũcã'ña. Marĩ tojo wéerã, cũ a'ti nucũcãpũ a'ticã, cũrẽ põtërrã i'aucũasome.

Bopoyasome. <sup>29</sup> Mũsã Jesucristo añurõ weesere masĩtoja'a. Tojo weerã nipe'tirã añurõ weerá Õ'acũ põ'rã nima nisere masĩno'o.

### 3

Õ'acũ põ'rã weesetise ni'i

<sup>1</sup> Ì'arẽ mũsã Õ'acũ marĩ pacũ marĩrẽ ma'isere. Marĩrẽ ma'ígũ, “Yũ'u põ'rã” ni ãjõpeosami. Tojo nĩrõnojõta marĩ cũ põ'rã ni'i. Æpẽrã a'ti turicjãrã Õ'acũrẽ masĩtitjãrã, marĩ cũrẽ ãjõpeorã weesetisere masĩtisama. <sup>2</sup> Acawererã, marĩ Õ'acũ põ'rã nitoja'a. Cũ põ'rã nimirã, be'ropũ marĩ de'ro wa'atjere añurõ masĩno'ña marĩ'i yujupũ. A'te di-a'cũrẽ masĩ'i. Marĩ Jesucristo a'ticã, cũ bajusere ì'arãsa'a. Cũrẽ ì'arã, cũ weronojõ wa'arãsa'a. <sup>3</sup> Jesucristore ne ña'ase marĩ'i. Marĩ quẽ'rã cũ weronojõ añurã wa'arãsa'a niatjere wãcũ'u. Tojo weerã marĩ ña'arõ weeseti'quere ðacayuwã'cãrã wee'e.

<sup>4</sup> Ña'arõ weesetise Õ'acũ duti'quere yũ'rũnũ'cãse ni'i. Nipe'tirã ña'arõ weerá Õ'acũrẽ yũ'rũnũ'cãrã weema. <sup>5</sup> Mũsã masĩtoja'a, marĩ ña'arõ wee'quere cõ'agũ Jesucristo a'ti nucũcãpũre a'ticũ niwĩ. Ne cũrẽ cã'rõacã ña'ase marĩ'i. <sup>6</sup> Tojo weerã nipe'tirã cũ me'rã ninu'cũrã ña'arõ weesetisama. Ña'arõ weerá pe'e Jesucristore masĩtisama. <sup>7</sup> Mũsã tu'omasĩña. Æpẽrã mũsãrẽ maasoocã, ãjõpeoticã'ña. Jesucristo añugũ nimi. Tojo weerã cũ weronojõ nĩrã masã añurã nima. <sup>8</sup> Wãtĩ ne waropũta ña'agũ nimũjãti'cũ nimi. Tojo weerã ña'arõ weesetirã cũ yarã nima. Jesucristo Õ'acũ macũ wãtĩ ña'arõ weesere cõ'agũ a'tigũ a'ti turipũre a'ticũ niwĩ.

<sup>9</sup> Õ'acũ cũ põ'rãrẽ cũ weronojõ niseticã weecũ niwĩ. Tojo weerã Õ'acũ põ'rã ña'asere weenu'cũtima. <sup>10</sup> Marĩ Õ'acũ põ'rãrẽ, wãtĩ yarãrẽ a'tiro ì'adũcawaamasĩ'i. No'o

ãpêrârê ma'itirã, ña'arõ weesetirârê “Wãtĩ yarã nima”, ni'i. Æpêrârê ma'írá añurõ weesetirã pe'ere “Õ'acũ põ'rã nima”, ni'i.

*A'merĩ ma'idutise ni'i*

<sup>11</sup> A'merĩ ma'irõña'a nise queti musã ne waro maata tu'o'que ni'i. <sup>12</sup> Duporocjũpu Caĩ wãmetigũ weronojõ niticã'rã. Cũ wãtĩ yagu nígũ, cũ acabiji Abere wějẽcu niwĩ. ¿De'ro weegu cãrẽ wějẽpari? Caĩ cũ weesetise ña'ase nicaro niwũ. Cũ acabiji weese pe'e añuse nicaro niwũ. Te bu'iri cãrẽ uogu, wějẽcu niwĩ. <sup>13</sup> Æpêrã musã añurõ weesetisere í'áurã, í'atu'tibosama. Na Caĩ cũ acabijire uo'caro weronojõ weerã weesama. Na musãrẽ í'atu'ticã, ucuaticã'ña.

<sup>14</sup> Marĩ ãpêrârê ma'írá, Õ'acũ põ'rã ni'i nisere masĩ'i. Toduporopure Jesucristore masítitjãrã, ãpêrârê ma'itiwũ. Ni'cãrõacãrẽ cãrẽ ëjõpeoyurã, a'merĩ ma'í'i. Æpêrârê ma'itirã pũrĩcã, marĩ toduporopu ni'caronojõta nicã'bosa'a. Catinu'cũsere moobosa'a. <sup>15</sup> No'o ãpêrârê í'atu'tigunojõ masãrẽ wějẽcõ'arĩ masũ weronojõ nimi. Musã masĩ'i, ne ni'cũ masãrẽ wějẽcõ'arĩ masũ catinu'cũsere moosami. Musã cũ weronojõ niticã'ña. <sup>16</sup> Jesucristo marĩ ye niatjere wẽrĩcu niwĩ. Tojo weerã marĩ a'merĩ ma'isere masĩ'i. No'o ãpêrârê ma'írá, marĩ ya catiri umucore wãcũnurũtisa'a. Narẽ weetamurã, marĩ quẽ'rã wẽrĩmasĩ'i. <sup>17</sup> Marĩ apeyenojõ cuomirã, pajasecuorãrẽ o'otirã, ¿de'ro wee “Õ'acũrẽ ma'í'i”, nibosau? <sup>18</sup> Bu'i, marĩ ye ucũse ueri me'rã dia'cũ “Narẽ ma'í'i”, niticã'rõña'a. Narẽ añurõ weetamurõña'a. Te me'rã marĩ narẽ ma'isere í'omasĩ'i.

*Õ'acũrẽ ëjõpeorã uiro marĩrõ nímasĩ'i nise ni'i*

<sup>19-20</sup> Apetero marĩ a'tiro wãcũsa'a: “Yũũ ña'ayu'rũagu nisa'a.” Tojo wãcũmirã, marĩ ãpêrârê ma'írá, Õ'acũ me'rã uiro marĩrõ nímasĩ'i. Marĩ cũ põ'rã ni'i. Cũ marĩ wãcũsere

masĩpe'ocã'sami. Cũ marĩ ña'arõ wee'quere acobojosami. <sup>21-22</sup> Marĩ ne bu'iri moosa'a ni tu'oña'rá, uise marĩõ Õ'acũrẽ sērĩmasĩ'i. Cũ dutisere, cũ ɰasere weecã, Õ'acũ nipe'tise marĩ sērĩsere yu'tigusami. <sup>23</sup> Cũ duti'que a'te ni'i. Cũ macũ Jesucristore ẽjõpeodutimi. Tojo nicã cũ duti'caronojõta marĩrẽ a'merĩ ma'idutimi. <sup>24</sup> Marĩ cũ duti'quere wéerã, cũ me'rá añurõ nicã'a. Cũ quẽ'rã marĩ me'rá añurõ nicã'mi. Marĩrẽ Espĩritu Santure o'ocũ niwĩ. Tojo weerã cũ marĩ me'rá nisere masĩ'i.

## 4

Ãpẽrã weresere ĩ'abesetojarãpu weedutise ni'i

<sup>1</sup> Acawererã, Õ'acũ yere wereri masã musã tiropũ bu'erã etacã, na weresere “¿Diacjũta Õ'acũ ye nimitito?” ni ĩ'aña. Ãpẽrã Õ'acũ o'ó'cãrã nitima. Nipe'tirãpũre ẽjõpeoticã'ña. Na Espĩritu Santure moomirã, tojo nima'acã'bosama. A'ti ɰɰɰɰɰɰɰ no'o ɰaro nisoori masã nibi'acã'ma. “Õ'acũ yere wererã wee'e”, ni bususijama. <sup>2</sup> Musã na diacjũ wererãrẽ a'tiro ĩ'abeseya. Na “Jesucristo a'ti upũ me'rá bajuacũ nimi”, nisama. Tojo ẽjõpeorã, Espĩritu Santure cɰorã nima. Narẽ ẽjõpeoya. <sup>3</sup> Ãpẽrã tojo ẽjõpeotirã, Espĩritu Santure mooma. Mejõ cũrẽ pe'sutima. Musã Jesucristore ĩ'atu'tigu cũ a'tiatjere tu'otojapã. Na cũ weronojõ nirã a'ti di'tapũre nitojama.

<sup>4</sup> Nisoori masã wãtĩ yarã nima. Õ'acũ wãtĩ nemorõ tutuami. Musã Õ'acũ yarã ni'i. Tojo weerã musã na ucũsere ẽjõpeoticãrã niwũ. <sup>5</sup> Nisoori masã a'ti turicjãrã a'ti ɰɰɰɰɰ cɰase dia'cũrẽ bu'esama. Na weronojõ nirãta na bu'esere tu'osama. <sup>6</sup> Marĩ pũrĩcã Õ'acũ põ'rã ni'i. Cũ põ'rã nirã marĩ bu'esere tu'osama. Cũ põ'rã nitirã tu'otisama. Tojo weerã marĩ diacjũ cɰase ẽjõpeorãrẽ, diacjũ nitisere ẽjõpeorãrẽ ĩ'abesemasĩ'i. “Ã'rãta nima

diacjũ cjasere ẽjõpeorã”, nímasĩ'i. “Na nima diacjũ cjasere ẽjõpeotirã”, ni ĩ'aducawaamasĩ'i.

*Marĩrẽ* a'merĩ ma'idutise ni'i

<sup>7-8</sup> Acawererã, Õ'acũ masãrẽ ma'imi. Tojo weerã marĩ quẽ'rã a'merĩ ma'irõũa'a. A'merĩ mairãnojõ Õ'acũ põ'rã nima. Na Õ'acũrẽ masĩma. No'o ma'ise moorãnojõ Õ'acũrẽ ne masĩtima. <sup>9</sup> Cũ marĩrẽ ma'isere ĩ'ogũ, cũ macũ ni'cũ nigũrẽ a'ti turipũre o'ócũ niwĩ. Marĩ catinu'cũatjere wéegũ tojo weecũ niwĩ. <sup>10</sup> Yũ'ũ ma'isere ucũgũ, marĩ Õ'acũrẽ ma'isere ucũgũ mejẽta wee'e. Cũ pe'e marĩrẽ ma'isere ucũgũ wee'e. Cũ marĩrẽ ma'ígũ, marĩ ña'arõ wee'quere acobojodutigũ cũ macũrẽ o'ócũ niwĩ. Cũ me'rã marĩ acobojose boca'a.

<sup>11</sup> Acawererã, Õ'acũ marĩrẽ ma'icaronojõta marĩ quẽ'rã ãpẽrãrẽ ma'irõũa'a. <sup>12</sup> A'ti ɯɯɯɯɯɯ ne ni'cũ Õ'acũrẽ ĩ'a'cũ marĩmi. Marĩ cãrẽ ĩ'ati'cãrã nimirã, ãpẽrãrẽ ma'irã, cũ maripũre nisere masĩ'i. Cũ marĩrẽ ma'ique ye bu'iri ãpẽrãrẽ queoro ma'ita basio'o. <sup>13</sup> Õ'acũ marĩrẽ Espĩritu Santure o'ocũ niwĩ. Tojo weerã marĩ Õ'acũ maripũre nisere masĩ'i. Marĩ quẽ'rã cũpũreta ni'i. <sup>14</sup> Õ'acũ macũrẽ ũsã basuta ĩ'awũ. Cãrẽ a'ti turipũre marĩ ña'arõ wee nisetimi'cãrãrẽ yũ'rũweticã weedutigũ o'ócũ niwĩ. Tojo weerã musãrẽ a'tere were'e. <sup>15</sup> No'o nipe'tirã “Jesú Õ'acũ macũ nimi” nirãnojõ Õ'acũ me'rã nima. Cũ quẽ'rã napũre nimi.

<sup>16</sup> Õ'acũ marĩrẽ ma'isere masĩ'i. Cũ nipe'tirãrẽ ma'imi. No'o ãpẽrãrẽ maigũnojõ añurõ Õ'acũ me'rã nimi. Õ'acũ quẽ'rã cũ me'rã nimi. <sup>17</sup> Marĩ Õ'acũ me'rã nĩrã, queoro ma'imasĩ'i. Jesucristo a'ti turipũ nicã, cũ pacũ quẽ'rã cũ me'rã nicũ niwĩ. Cũ me'rã ní'caronojõta marĩ me'rã quẽ'rãrẽ Õ'acũ nimi. Tojo weerã marĩ a'ti turicjãrãrẽ beseatji ɯɯɯɯ nicã, cãrẽ ne uisome. <sup>18</sup> A'merĩ mairã



tirore uise marĩ'i. Uise c̃uorã tiro pe'ere ne a'merĩ ma'ise marĩ'i. Marĩ uise me'rã bu'iritirã weronojõ tu'oña'a. No'õ uig̃uonojõ a'merĩ ma'imasĩtimi.

<sup>19</sup> Õ'acũ marĩrẽ mal'imũtãcũ niwĩ. Tojo weerã marĩ cãrẽ ma'i'i. <sup>20</sup> Marĩ Õ'acũrẽ mal'imirã, ãpẽrãrẽ ĩ'atu'tirã, nisoosebucurã ni'i. Masã marĩ ĩ'arã waromarĩcãrẽ mal'itirã, nemorõ Õ'acũ bajutigũ pũrĩcãrẽ mal'ita basiotisa'a. <sup>21</sup> Jesucristo marĩrẽ a'tiro dutiwĩ: “Õ'acũrẽ mal'ĩrã, ãpẽrã quẽ'rãrẽ mal'irõña'a”, niwĩ.

## 5

*Õ'acũ põ'rã nĩrã, ña'asere weeticã'rõña'a nise ni'i*

<sup>1</sup> Nipe'tirã “Jesú Õ'acũ bese'cũ nimi” ni ãjõpeorãnojõ Õ'acũ põ'rã nima. Æpẽrãrẽ mal'ĩrã, na põ'rã quẽ'rãrẽ mal'irõña'a. <sup>2</sup> Marĩ Õ'acũrẽ ma'i, cũ duti'quere wéerã, marĩ cũ põ'rãrẽ ma'i'i nisere masĩno'õ. <sup>3</sup> Õ'acũrẽ mal'ĩrã, cũ duti'quere weerã wee'e. Cũ dutise diasawe'e, weeta basiopũrĩcã'sa'a. <sup>4</sup> Marĩ Õ'acũ põ'rã a'ti turi cjase ña'asere weewe'e. Jesucristore ãjõpeose me'rã añurõ weeta basio'õ. <sup>5</sup> Marĩ Jesucristore “Õ'acũ macũ nimi”, ni ãjõpeo'õ. Te me'rã dia'cũ a'ti umũco cjase ña'asere cã'mota'a-masĩsa'a.

*Jesucristore “Õ'acũ macũ nimi” nise ni'i*

<sup>6</sup> Jesucristo Õ'acũ macũ nimi. Cũ a'ti turipũ nicã, Juã wãmeyeri masũ cãrẽ wãmeyewĩ. Cãrẽ wãmeyegũ, aco me'rã wãmeyewĩ. Be'ro cũ curusapũ wẽrĩwĩ. A'tiro weese me'rã cũ Õ'acũ macũ nisere ĩ'owĩ. Cãrẽ wãmeye'que me'rã dia'cũ ĩ'otiwĩ. Cũ wẽrĩse me'rã quẽ'rãrẽ ĩ'owĩ. Espĩritu Santu Jesucristo Õ'acũ macũ nisere ĩ'omi. Cũta diacjũ cjasere weregũ nimi. <sup>7</sup> A'te quetire na basuta ĩ'oma. Na ĩ'tiarã umũsepu nima: pacũ, macũ, tojo nicã Espĩritu Santu. Æ'rã ĩ'tiarãpu ducawatimirã, ni'cũta nimi. <sup>8</sup> A'ti

nucũcãpũre Espĩritu Santu werese me'rã Jesú Õ'acũ macũ nimi nisere masĩ'i. Tojo nicã Jesú cũ Õ'acũ macũ nisere cũ wãmeyeno'que me'rã, cũ wẽrĩ'que me'rã ĩ'ocũ niwĩ. <sup>9</sup> Masã na ĩ'a'quere werecãmarĩcãrẽ, marĩ ãjõpeo'o. Õ'acũ cũ macũ yere werecã pũrĩcãrẽ, nemorõ ãjõpeoroũa'a. Cũ masã ucũse nemorõ queoro weremi. <sup>10-12</sup> Õ'acũ marĩrẽ cũ macũ me'rã catinu'cũsere o'ocũ niwĩ. Tojo weerã cũ macũrẽ ãjõpeorã cũ me'rã catinu'cũrãsama. Cũ macũrẽ ãjõpeotirã ne cũ me'rã catinu'cũsome. Marĩ Jesucristo ye quetire diacjũta ni'ĩ nĩrã, cũrẽ ãjõpeorã wee'e. Āpẽrã a'tere ãjõpeotirãnojõ “Õ'acũ nisoogu nimi”, nĩrã weema.

*Juã werecasa'que ni'ĩ*

<sup>13</sup> Mũsã Õ'acũ macũrẽ ãjõpeorãrẽ tere ojarũ. Mũsã catinu'cũrãsa'a nisere masĩato nĩgũ tojo ojarũ.

<sup>14</sup> Marĩ masĩ'i, Õ'acũ cũ uaronojõ marĩ sãrĩcã, marĩ sãrĩsere tũ'osami. “Marĩ sãrĩsere tũ'osami” ni masĩrã, cũrẽ uise marĩrõ sãrĩmasĩ'i. <sup>15</sup> “Õ'acũ marĩ sãrĩsere tũ'osami” ni masĩrõnojõta “Cũ marĩ sãrĩ'que quẽ'rãrẽ o'otojami”, nino'o.

<sup>16</sup> Apetero Jesucristore ãjõpeogu ña'arõ weesami. Cũ tojo weecã ĩ'arã, Õ'acũrẽ sãrĩbosaya. Marĩ sãrĩbosacã, Õ'acũ yũ'tigusami. Cũrẽ dũcayugusami tja. Apeye pũrĩcã ña'abutiario weese ni'ĩ. Téma “Sãrĩbosaya” niña marĩ'i. Tere weerã Õ'acũ tiropũ wa'asome. <sup>17</sup> Nipe'tise ña'ase Õ'acũrẽ yũ'rũnũ'cãse ni'ĩ. Yũ'ũ nĩrõnojõta apeye ña'arõ weesere Õ'acũ acobojogusami. Apeye ña'abutiario weesere acobojosome.

<sup>18</sup> Marĩ masĩ'i, Õ'acũ põ'rãrẽ Jesucristo añurõ co'tenu'cũcã'mi. Tojo weerã na ña'arõ weenu'cũtisama. Wãtĩ quẽ'rã Jesucristo co'teyucã, narẽ ña'arõ weemasĩtisami.

<sup>19</sup> Marĩ Õ'acũ põ'rã nisere, tojo nicã wãtĩ nipe'tiro a'ti turicjãrã wiogu nimi nisere masĩ'i.

<sup>20</sup> Apeye quẽ'rãrẽ, Õ'acũ macũ cũ a'ti'quere masĩ'i. Cũ marĩrẽ Õ'acũ diacjũ nigũrẽ masĩdutigu tu'omasise o'ocũ niwĩ. Marĩ Jesucristo me'rã nĩrã, cũ pacũ Õ'acũpũreta ni'i. Jesucristo Õ'acũ nimi. Cũta catinu'cũgũ marĩ catinu'cũatjere o'omi. <sup>21</sup> Apeye, masã na queose yee ãjõpeo'quenojõrẽ ãjõpeoticã'iña. Õ'acũ se'sarore ãjõpeoya. Nipe'tise apeyenojõ yũ'rũoro Õ'acũrẽ ma'iña.

Tojota weeroũasa'a.

Tocã'rõta oja'a.

Juã

Õ'âkã hi yeere uúkũri turi Tukano  
New Testament in Tucano (BR:tuo:Tucano)

copyright © 2009 Wycliffe Bible Translators, Inc.

Language: Tucano

Translation by: Wycliffe Bible Translators, Inc.

Tucano [tuo], Brazil

### Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tucano

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

Updates  
eBible.org

---

PDF generated using Haiola and XeLaTeX on 3 Jul 2018 from source files dated 14 Jun 2018

00ebd04f-7b0d-5a72-9407-eb53ae2bd086